

摘藻堂四庫全書薈要

集部

欽定四庫全書薈要卷一萬三千八百六十二

集部

劉賓客外集卷八

唐

劉禹錫

撰

詩

寄毘陵楊給事三首

柳絮

陪崔大尚書及諸閣老宴杏園

曹剛

發蘇州後登武丘寺望梅樓

別蘇州二首

松江送處州奚使君

題報恩寺

罷郡姑蘇北歸渡楊子津

館娃宮在硯石山上前瞰姑蘇臺傍有采香逕天監  
中置佛寺曰靈囀即故宮也信為絕境因賦二章

姑蘇臺

贈同年陳長史員外石

寄湖州韓中丞

有感

楊柳枝

海陽十咏

并引

吏隱亭

切雲亭

雲英潭

玄覽亭

裴溪

時御史已  
遇新恩

飛練瀑

蒙池

芬絲瀑

雙溪

月窟

送周魯儒赴舉詩

并引

送曹璩歸越中舊隱詩

并引

尋汪道士不遇

八月十五日夜桃源行

罷和州遊建康

田順郎歌

米嘉榮

自江陵沿流道中

別夔州官舍

夜聞商人船中箏

聞道士彈思歸引

喜康將軍見訪

贈劉景擢第

赴連山途次德宗山陵寄張員外

嘗茶

梁國祠

九日登高

謝柳子厚寄疊石硯

元日感懷

謝宣州崔相公賜馬

南中書來

題招隱寺

思歸寄山中友人

望洞庭

魚復江中

歷陽書事七十韻

并引



寄毘陵楊給事三首

揮毫起制來東省躡足修名謁外臺好看橐鞬莫惆悵  
出文入武是全才

曾主魚書輕刺史今朝自請左魚來青雲直上無多地  
却要斜飛取勢回

東城南陌昔同遊坐上無人第二流屈指如今已零落  
且須歡喜作鄰州

柳絮

飄颻南陌起東鄰  
漠漠濛濛好度春花巷  
暖隨輕舞蝶  
玉樓晴拂豔粧人  
縈迴謝女題詩筆  
點綴陶公漉酒巾  
何處好風偏似雪  
隋河堤上古江津

陪崔大尚書及諸閣老宴杏園

更將何面上春臺  
百事無成老又催  
唯有落花無俗態  
不嫌憔悴滿頭來

曹剛

大絃嘈囀小絃清  
噴雪含風意思生  
一聽曹剛彈薄媚

人生不合出京城

發蘇州後登武丘寺望梅樓

獨宿望梅樓夜深珍木冷僧房已閉戶山月方出巖碧  
池涵劒彩寶剎搖星影却憶郡齋中虛眠此時景

別蘇州二首

三載為吳郡臨期祖帳開雖非謝桀點且為一裴回  
流水閭門外秋風吹柳條從來送客處今日自魂銷

松江送處州奚使君

吳越古今路滄波朝夕流從來別離地能使管絃愁江  
草帶烟暮海雲含雨秋知君五陵客不樂石門遊

題報恩寺

雲外支硎寺名聲敵虎丘石文留馬跡峰勢聳牛頭泉  
眼潛通海松門預帶秋遲回好風景王謝昔曾遊

罷郡姑蘇北歸渡楊子津

幾歲悲南國今朝賦北征歸心渡江勇病體得秋輕海  
澗石門小城高粉堞明金山舊遊寺過岸聽鐘聲

館娃宮在硯石山上前瞰姑蘇臺傍有采香徑  
天監中置佛寺曰靈蟲即故宮也信為絕境因  
賦二章

宮館貯嬌娃當時意大誇艷傾吳國盡笑入楚王家  
月殿移椒壁天花代舜華唯餘采香徑一帶入山斜

姑蘇臺

故國荒臺在前臨震澤波綺羅隨世盡麋鹿古時多築  
用金鉗力摧因石鼠窠昔年雕輦路唯有采樵歌

贈同年陳長史員外石

明州長史外臺郎憶昔同年翰墨場  
一分襟多歲月相逢滿眼是淒涼  
推賢有愧韓安國論雋唯存盛孝章  
所歎謬遊東閣下看君無計出恓惶

寄湖州韓中丞

老郎日日憂蒼鬢遠守年年厭白蘋  
終日相思不相見長頭相見是何人

有感

死且不自覺其餘安可論  
昨宵鳳池客今日雀羅門  
騎吏塵未息銘旌風已翻  
平生紅粉愛惟解哭黃昏

楊柳枝

楊子江頭烟景迷  
隋家宮樹拂金隄  
峩猶是當時色  
半蘸波中水鳥棲

海陽十咏 并引

元次山始作海陽湖後之人或立亭榭率無指名及  
余而大備每疏鑿構置必揣稱以標之人咸曰有旨

異日遷官裴侍御為十咏以示余頗明麗而不虛美  
因拮拾裴詩所未道者從而和之

一云余為吏隱亭  
述言海陽之所從

來詳美異日  
下與此同

### 吏隱亭

結構得奇勢朱門交碧澗外來始一望寫盡平生心日  
軒漾波影月砌鏤松陰幾度欲歸去回眸情更深

### 切雲亭

迥破林烟出俯窺石潭空波搖杏梁日松韻碧窻風隔



水生別島帶橋如斷虹  
九疑南面事盡入寸眸中

雲英潭

芳幄覆雲屏石奩開碧鏡  
支流日飛洒深處自疑陞  
潛去不見迹清音常滿聽  
有時病朝醒來此心神醒

玄覽亭

瀟灑青林際夤緣碧潭隈  
淙流冒石下輕波觸砌回  
香風逼人度幽花覆水開  
故令無四壁晴夜月光來

裴溪

時御史已  
遇新恩

楚客憶關中，疏溪想汾水。  
縈紆非一曲，意態如千里。  
倒影羅文動，微波笑顏起。  
君今賜環歸，何人承玉趾。

飛練瀑

晶晶擲巖端，潔光如可把。  
瓊枝曲不折，雪片晴猶下。  
石堅激清響，葉動承餘洒。  
前時明月中，見是銀河瀉。

蒙池

滌滄幽壁下，深淨如無力。  
風起不成文，月來同一色。  
地靈草木瘦，人遠烟霞逼。  
往往疑列仙，圍碁在巖側。

金貞四屋全書  
卷一  
芬絲瀑

飛流透嵌隙噴洒如絲  
芬含暈迎初旭翻光破夕曛  
餘波遶石去碎響隔溪聞  
却望瓊沙際逶迤見脈分

雙溪

流水遶雙島碧溪相並深  
浮花擁曲處遠影落中心  
閒鷺久獨立曝龜驚復沈  
蘋風有時起滿谷簫韶音

月窟

濺濺漱幽石注入團圓處  
有如常滿杯承彼清夜露  
巖

曲月斜照林寒春晚煦遊人不敢觸恐有蛟龍護

送周魯儒赴舉詩

并引

晝居外次晨門曰有九疑生持一刺來謁立西階以  
須生危冠方袂淺拱舒拜且前致辭稱贄其文頗涉  
獵前言居五六日復裏來益引古事以相劇切與之  
言能言其得姓因家之所自暨縣道鄉亭之風俗望  
水名山之槩狀羅含所未記朱顛之未條咸得之於  
生由是始列於賓籍臨觴而司斟觀博而竄言有日

矣初邑中人聞有生來而二千石客之駢然來觀遷  
容裴御史遇生於坐抵掌曰人固有貌類而族殊者  
周生疑羅玠也衆咸駭然而熟視生疑也愈甚夫形  
似古所有也優孟似叔敖而楚君欲以為相人殊而  
貌肖猶或欲用之玠生於衡山而生生於九疑其似  
誠匹也無乃躡其武昇俊造士甸服佐君藩為御史  
乎古之人無避事即有而書之尚實也行李之貺則  
徵夫詩曰

宋日營陽內史孫因家占得九疑村童心便有愛書癖  
手指今餘把筆痕自握虵珠辭白屋欲憑雞卜謁金門  
若逢廣坐問羊酪從此知名在一言

送曹璩歸越中舊隱詩

并引

余為連州諸生以進士書刺者浩不可紀獨曹生崖  
然自稱為山夫及與語以徵其實則曰所嗜者名嘗  
遠遊以索之抗喉舌肱胝胸以干東諸侯見之日率  
莞然曰秀才者天下是不禮庸何傷今方依名山以

揚其聲將掛幘於南嶽生之言未及休余遽曰在已

不在山若子之言依山而為高是鍊神叩寂捐日月而不顧名聞而老至持是焉用生聞言愀然如悔色見於眉睫因留止道士院從余求書以觀居三時而功倍一時讀史書自皇帝至吳魏間班班能言之然而絕口不敢言衡山知山夫不販而贏也十一月告余歸隱於會稽且曰知求名之自美乞詞以發之遂賦七言詩以鑒其志詩曰

行盡瀟湘萬里餘，少逢知己憶吾廬。  
數間茅屋閒臨水，一盞秋燈夜讀書。  
地遠何當隨計吏，策成終自詣公車。  
剡中若問連州事，唯有千山畫不如。

尋汪道士不遇

仙子東南秀，泠然善馭風。  
笙歌五雲裏，天地一壺中。  
受籙金華洞，焚香玉帝宮。  
我來君閉戶，應是向崆峒。

八月十五日夜桃源翫月

塵中見月心亦閒，況是清秋仙府間。  
凝光悠悠寒露墜，



此時云在最高山碧虛無雲風不起山上長松山下水  
羣動儵然一顧中天高地平千萬里少君引我昇玉壇  
禮空遙請真仙官雲駢欲下星斗動天樂一聲肌骨寒  
金霞昕昕漸東上輪欹影促猶頻望絕景良時難再并  
他年此日應惆悵

叔父元和中徵昔事為桃源行後貶官武陵  
復為翫月作並題於觀壁爾來暑紀再周既  
牽故此郡仰見文字闕缺伏慮他年轉將塵

沒故鐫在貞石以期不朽太和四年旣謹記

罷和州遊建康

秋水清無力寒山暮多思官間不計程徧上南朝寺

田頌郎歌

清歌不是世間音玉殿嘗聞稱主心唯有頌郎全學得  
一聲飛出九重深

朱嘉榮

一別嘉榮三十載忽聞舊曲尚依然如今世俗輕前輩

好涂髭鬚事少年

自江陵沿流道中

三千三百西江水自古如今要路津  
月夜歌謠有漁父風天氣色屬商人  
沙村好處多逢寺山葉紅時覺勝春  
行到南朝征戰地古來名將盡為神

別夔州官舍

三年楚國巴城守一去揚州楊子津  
青帳聯延喧驛步白頭俯偃到江濱  
巫山暮色常含雨峽水秋來不恐人

唯有九歌詞數首里中留與賽蠻神

夜聞商人船中箏

大編高帆一百尺新聲促柱十三絃揚州市裏商人女  
來占江西明月天

聞道士彈思歸引

仙公一奏思歸引逐客初聞自泣然莫怪殷勤悲此曲  
越聲長苦已三年

喜康將軍見訪

謫居愁寂似幽棲  
百草當門茅舍低  
夜月將軍忽相訪  
鷓鴣驚起繞籬啼

贈劉景擢第

湘中才子是劉郎  
望在長沙住桂陽  
昨日鴻都新上第  
五陵年少讓清光

赴連山途次德宗山陵寄張員外

常時並冕奉天顏  
委佩低簪彩仗間  
今日獨來張樂地  
萬重雲水望橋山

嘗茶

生拍芳叢鷹嘴牙  
老郎封寄謫仙家  
今宵更有湘江月  
照出霏霏滿盃花

梁國祠

梁國三郎威德尊  
女巫簫鼓走鄉村  
萬家長見空山上  
雨氣蒼茫生廟門

九日登高

世路山河險  
君門烟霧深  
年年上高處  
未省不傷心

謝柳子厚寄疊石硯

常時同硯席寄此感離羣清越敲寒玉參差疊碧雲烟  
嵐餘斐疊水墨雨氛氲好與陶貞白松窓寫紫文

元日感懷

振蟄春潛至湘南人未歸身加一日長心覺去年非煉  
火委虛燼兒童銜彩衣異鄉無舊識車馬到門稀

謝宣州崔相公賜馬

浮雲金絡膝昨日別朱輪銜草如懷戀嘶風尚意頻曾

將比君子不是換佳人從此西歸路應容躡後塵

南中書來

君書問風俗此地接炎州淫祀多青鬼居人少白頭旅  
情偏在夜鄉思豈唯秋每羨朝宗水門前盡日流

題招隱寺

隱士遺塵在高僧精舍開地形臨渚斷江勢觸山迴楚  
野花多思南禽聲例哀殷勤最高頂閑却望鄉來

思歸寄山中友人



蕭條對秋色相憶在雲泉  
木落病身死潮平歸思懸  
涼鐘山頂寺暝火渡頭船  
此地非吾土間留又一年

望洞庭

湖光秋月兩相和潭面無風鏡未磨  
遙望洞庭山水翠白雲盤裏一青螺

魚復江中

扁舟盡室貧相逐白髮藏冠鑷更加遠水自澄終日綠  
晴林長落過春花客情浩蕩逢鄉語詩意留連重物華

風檣好住貪程去斜日青帘背酒家

歷陽書事七十韻 并引

長慶四年八月余自夔州轉歷陽浮岷山觀洞庭歷  
夏口涉潯陽而東友人在敦詩罷丞相鎮宛陵緘書  
來抵曰必我覲而之藩不十日飲不置子故余自池  
州道宛陵如其素敦詩出祖於敬亭祠下由姑孰西  
渡江乃吾園也至則考圖經參見事為之詩俟采風  
之夜諷者

一夕為湖地千年列郡名霸王迷路處亞父所封城漢

置東南尉梁分肘腋兵本吳風俗剽無楚語音傖沸井

今無湧烏江舊有名土臺遊柱史石室隱彭鏗

老君適楚有臺

在馬彭鏗石室在含山縣

曹操祠猶在濡須塢未平海潮隨月大江

水應春生一昨深山裏終朝看火耕魚書來北闕鷓首

下南荆雲雨巫山暗蕙蘭湘水清章華樹已失鄂渚草

來迎廬阜香爐出湓城粉堞明鴈飛彭蠡莫鷓噪大雷

晴平野分風使恬和趁夜程貴池登陸峻春穀渡橋鳴

駱驛主人問悲歡故舊情幾年方一面卜晝便三更助  
喜杯盤盛忘機笑語勻管清疑驚鶴絃巧似嬌鶯熾炭  
烘蹲獸華茵織鬪鯨回裾飄霧雨急節墮瓊英斂黛凝  
愁色施鈿耀翠晶容華本南國粧梳學西京日落方收  
鼓天寒更炙笙促筵交履烏痛飲倒簪纓謔浪容優孟  
嬌憐許智瓊蔽明添翠帶命燭挂金莖坐久羅衣皺盃  
傾粉面驛興來從請曲意墮即飛觥令急重須改歡馮  
醉盡呈詰朝還選勝來日又尋盟道別殷勤惜邀筵次

第爭唯聞嗟短景不復有餘醒衆散扃朱戶相攜話素  
誠晤言猶疊疊殘漏自丁丁出祖千夫擁行厨五熟烹  
離亭臨野水別思入哀箏接境人情洽方冬饌具精中  
流為界道隔岸數飛甍沙浦王渾鎮滄洲謝朓城望夫  
人化石夢帝日環營半渡趨津吏緣堤簇郡甿塲黃堆  
晚稻籬碧見冬菁里社爭來獻壺漿各自擎鷓夷傾底  
瀉粃妝鬪成闕采石風傳柝新林暮擊鉦繭綸牽撥刺  
犀焰照澄泓露冕觀原野前驅抗旆旌分庭展賓主望

闕拜恩榮比屋惇嫠輩連年水旱并遐思常後已下令  
必先庚遠岫低屏列支流曲帶縈湖魚香勝肉官酒重  
於飭憶惜泉源變斯須地軸傾雞籠為石顆龜眼入泥  
坑事繫人風重官從物論輕江春俄澹蕩樓月幾虧盈  
柳長千絲宛田塍一線緝遊魚將婢從野雉見媒驚波  
淨攢鳧鵲洲香發杜蘅一鐘菰葑米千里水葵羹受謹  
時方久分憂政未成比瓊雖碌碌於鐵尚錚錚早忝登  
三署曾聞奏六英無能甘負弩不慎在提衡口語成中

邁毛衣阻上征時聞關利鈍智亦有聾盲昔愧山東妙  
今慙海內兄後來登甲乙早已在蓬瀛心托秦明鏡才  
非楚白珩齒衰親藥物宦薄傲公卿捧日皆元老宣風  
盡大彭好令朝集使結束赴新正

劉賓客外集卷八

謹案卷六第八頁後四行星榆葉對開原本葉訛半

今據全唐詩改

第九頁後七行拜會稽太守原本太守二字訛人治  
今據後漢書劉寵傳改

第十頁前七行人從桔秩訛拊今據左傳入於桔  
秩之門句改


卷七第六頁前一行馬高唐為御史大夫原本高  
唐訛葛堂今據全唐詩改



第九頁前八行垂天雖暫息原本垂訛華今據莊  
子其翼若垂天之雲句改

卷八第十二頁後六行徵昔事為桃源行原本徵  
訛故據全唐詩改





總校官庶吉士臣侍朝

校對官庶吉士臣陳崇本

謄錄監生臣王以謹

彭陽倡和集引

彭陽倡和集後引

吳蜀集引

汝洛集引

子劉子自傳

唐故監察御史贈尚書右僕射王公神道碑

為淮南杜相公論西戎表

臣某言臣一辭闕庭已僅二載官當重任身受重恩既懷

欽定四庫全書薈要

集部

劉賓客外集卷九

十

詳校官助教臣常循



欽定四庫全書薈要卷一萬三千八百六十三

集部

劉賓客外集卷九

唐

劉禹錫

撰

表述引傳碑

為淮南杜相公論西戎表

謝上連州刺史表

含輝洞述

吏隱亭述

傳信方述



彭陽倡和集引

彭陽倡和集後引

吳蜀集引

汝洛集引

子劉子自傳

唐故監察御史贈尚書右僕射王公神道碑

為淮南杜相公論西戎表

臣某言臣一辭闕庭已僅二載官當重任身受重恩既懷

子牟戀闕之心又負臧文竊位之責思所以歌頌聖德裨  
補箴規塵露至微不任懇迫臣遠祖詩顯名漢代出牧南  
陽謹言善策隨事獻納忠醇之至聞於中外遺風可襲有  
激愚衷臣是以輒竭聞見粗陳梗槩雖不盡陛下聖明萬  
分之一然臣子之心有直必獻伏惟皇帝陛下德合天地  
道躋文武弛張普博事法陰陽氣均生成人霑亭育凡是  
氛沴覆以春和銷除容納皆如聖意寬宥肆赦實賴皇明  
河中誅鋤不勞兵革淮右底定不戮一人慶浹萬邦事出

千古近又西戎背約寇犯王師陛下宏貸豺狼矜其凶悍  
布以恩澤果此知慙功因德成不以兵制故詩云獫狁孔  
熾書稱蠻夷猾夏臣觀自古帝王不忍小忿貽大患故竭  
耗中國盡力邊陲至如滅昆明之城平大宛之種豈是發  
輝皇猷增榮簡冊故聖哲之論薄衛霍之功陛下鏡歷代  
無益之端修大君文德之教遂得北狄深藏五城晏閑百  
蠻嚮化四海無虞惟此小番尚迷聲教陛下示之大信宏  
以舊恩雖闕防暫驚而烽燧旋罷臣負恩方鎮初懼寇戎



正於憂迫之時果聞仁聖之諭攘却凶孽不勞干戈臣靜  
思遠圖久計莫若存信施惠以愧其心歲通玉帛待以客  
禮昭宣聖德擇奉誼之臣恢拓皇威選謹邊之將積粟塞  
下坐甲關中以逸待勞以高御下重其金玉之贈結以舅  
甥之歡小來則慰安大至則嚴備明其斥候不撓不侵則  
戎狄為可封之人沙場無戰死之骨若天下無事人安歲  
稔然後訓兵命將破虜推衡原州營田靈武盡復舊地通  
使安西國家長筭悉在於此熟計事定舉必有功苟未可

圖豈宜容易此皆陛下朝夕倦談之事前後立驗之謀臣  
質性頑疎籌畫庸近受恩非據敢忘獻忠犬馬之心實所  
罄盡謹遣某官某奉表

謝上連州刺史表

臣某言伏奉去三月七日制授臣使持節連州刺史恭承  
睿旨跪奉詔書皇恩重於丘山聖澤深於雨露抃舞失次  
神魂載揚臣某中謝臣性愚拙謬學文詞幸遇休明累登  
科第出身入仕並不因人德宗臨御之時臣忝御史陛下

龍飛之日臣忝郎官恭守章程勤修職業權臣奏用蓋聞  
虛名實非曲求可以覆視跡卑易枉無路自明亦緣臣有  
微才所以嫉臣者衆競生口語廣肆加誣伏賴陛下至仁  
時從寬典舉以緣坐貶佐遐藩屢變星霜頻經恩赦犬馬  
懷戀寢興匪寧唯讀佛經願延聖壽昨蒙詔命追赴上都  
隨列授官俾居遠郡在臣之分榮幸已多伏荷陛下孝理  
宏深皇明照燭哀臣老母羸疾憫臣一身零丁特降所恩  
得移善部光榮廣被母子再生凡在人臣皆感聖德凡為

人子皆荷聖慈豈唯賤臣獨受恩造不覺喜極至于涕零  
昔殷王俯念於前禽且聞解網漢帝有感於少女爰命罷  
刑方之聖朝不足多尚感名和氣慰安羣生非臣隕越所  
能上報伏以南方厲疾多在夏中臣自發柳州便染瘴癘  
扶策在道不敢停留即以今月十一日到州上訖謹宣聖  
旨以示遠人恭述詔條所期富庶無任

含輝洞述

河東薛公景晦以文無害為尚書刑部郎中以訕為道州

刺史居郡大理至於無事清機羨益盡付山水一旦以書  
來誇曰吾得異境於近郊自城西門並南山俯江水有石  
穹然如夏屋其左右前後又如回廊曲房藻繡彫彤之象  
雲生日入怪狀迭發水石卉木香非人案意其當為食霞  
御氣者之所遊息委蛻而去不知其幾千百年逮今得諸  
黃冠野夫及請而往因名其地曰含輝洞蓋詩家流所謂  
山水含清輝者是已吾子常以詞雄於世盍為我誌焉愚  
得書退而深惟若薛公者少居江湖間遊名山東探禹穴

止四明句曲金華陽羨南過九江薄匡廬以涉彭蠡天下  
山水之籍存乎胷中第其高下銖兩不失及是而口味不  
能名顧謂竒信矣若江華者九疑三湘之佳麗地也前此  
二千石御史中執法河南元次山諫大夫北平陽亢宗司  
刑大夫東平呂和叔皆碩人也考槃招隱之致恒汲汲然  
卒使謫境貴于異日豈地愛其實有時而發耶顧謂異亦  
信矣夫物之有作俟言而遠故述焉以書于洞陰曰

營陽鬱鬱山水第一洞有含輝遊人忘歸

闕

孔樂請言

其畧先是斯境翳于榛薄天姿孤絕凡目所忽閱其清

光有待而發公之來思探勝玩竒爰野憩林而民悅之

既悅其至益知所嗜捫陁歷峴來適公志偶得竒絕聿

來告公駕言從之谷岸溟濛有石如門又如垣墉膠蔓

交木似綸似組乃芟乃治乃可布武伸脰掉臂空洞無

阻左右回環儼若廊廡飛泉出竇練綽花吐觸石吹沙

珮搖絃撫側逕夤緣豁然見天有石如堂度之五筵東

西二門與日昏明奧者如室宣者如軒因其高下爰構

亭榭匠生於心隨指如化開山翦木後以私屬結構暨  
茨子來嬉嬉無事而就邦人不知淑清之辰休澣之時  
雅步幅巾琴壺以隨前無俗人與白雲期年日盡適形  
神不羈元氣顛然觀吾朶頤遵渚之鴻有時而飛石門  
之下可以遲棲此谷而盈彼丘而夷維公之遊跡永在斯

吏隱亭述

元和十五年再牧於連州作吏隱亭海陽湖壩入自外間  
不知藏山歷級東望恍非人寰前望四榭隔水相鮮凝靄



蒼蒼深流布懸架險通蹊有梁如蛻輕泳徐轉有舟如翰  
登霞漾月若在天漢視彼廣輪千畝之半翠麗于是與世  
殊貫激明峭絕藿靡惹情炎景有宜昏旦迭變疑昔神鼇  
負山而抃摧其別島置此高岸海陽之名自元先生先生  
元結有銘其碣元維假符予維左遷其間相距十五餘年  
封境服人其猶比肩天下山水非無美人地偏人遠空樂  
魚鳥謝公開山涉月忘還豈曰無娛伊險且艱溪山風物  
城池為伍却倚佛寺左聯仙府勢拱臺殿光含廂廡窈如

壺中別見天宇石堅不老川流不腐不知何人為今為古  
石焉終堅水焉不竭不知何時再融再結

傳信方述

余為連州四年江華守河東薛景晦以所著古今集驗  
方十通為贈其志在于拯物予故申之以書異日景晦  
復寄聲相謝且咨所以補前方之闕醫拯道貴廣庸可  
以淺學為辭遂於篋中得已試者五十餘方用塞長者  
之問皆有所自故以傳信為目云元和十三年六月八

日中山劉禹錫述

彭陽唱和集引

丞相彭陽公始由貢士以文章為羽翼怒飛于冥冥及  
貴為元老以篇詠佐琴壺取適乎間譙鏘然如朱絃玉  
磬故名聞于世間鄙人少時亦嘗以詞藝梯而航之中  
途見險流落不試而胸中之氣伊鬱蜿蜒泄為章句以  
遣愁沮悽然如焦桐孤竹亦名聞于世間雖窮達異趣  
而音英同域故相遇甚歡其會面必抒懷其離居必寄

興重酬累贈體備今古好事者多傳布之今年公在并州余守吳門相去迥遠而音徽如近且有書來抵曰三川守白君編錄與吾子贈答緘縲囊以遺余白君為詞以冠其前號曰劉白集悠悠思與所賦亦盈于巾箱蓋次第之以塞三川之請於是緝綴凡百有餘篇以彭陽唱和集為目勒成兩軸爾後繼賦附于左方太和七年二月五日中山劉禹錫述

彭陽唱和集後引

貞元中予為御史彭陽公從事于太原以文章相往來  
有日矣無何予受譴南遷十餘年間公登用至宰相出  
為衡州方獲會面輸寫蘊積相視泣然爾後或雜賦詩  
贈答編成兩軸太和五年余領吳郡公鎮太原常發函  
寓書必有章句絡繹於數千里內無曠旬時八年公為  
吏部尚書予牧臨汝有詩歎七年之別署其後云集卷  
自此為第三未幾予轉左馮公登左揆每恨近而不見  
形於詠言開成元年公鎮南梁予以太子賓客分司東

都新韻繼至率云三軸成矣二年冬忽寄一章詞調悽切似有永訣之旨伸紙悻歎居數日果承訃書嗚呼聆風相悅者四十年會面交歡者十九年以詩見投凡七十九首勒成三卷以副平生之言

吳蜀集引

長慶四年余為歷陽守今丞相趙郡李公時鎮南徐州每賦詩飛函相示且命同作爾後出處乖遠亦如鄰封凡酬唱始於江南而終於劔外故以吳蜀為目云

汝洛集引

太和八年予自姑蘇轉臨汝樂天罷三川守復以賓客  
分司東都未幾有詔領馮翊辭不拜職授太子少傅分  
務以遂其高時予代居左馮明年予罷郡以賓客入洛  
日以章句交歡因而編之命為汝洛集

子劉子自傳

子劉子名禹錫字夢得其先漢景帝賈夫人子勝封中  
山王諡曰靖子孫因封為中山人也七代祖亮事北朝

為冀州刺史散騎常侍遇遷都洛陽為北部都昌里人  
世為儒而仕墳墓在洛陽北山其後也隄不可依乃葬  
滎陽之檀山原田大王父已還一昭一穆如平生曾祖  
凱官至博州刺史祖鏗由洛陽主簿察視行馬外事歲  
滿轉殿中丞侍御史贈尚書祠部郎中父諱緒亦以儒  
學天寶末應進士遂及大亂舉族東遷以違患難因為  
東諸侯所用後為浙西從仕本府就加鹽鐵副使遂轉  
殿中主務于堉橋其後罷歸浙右至揚州遇疾不諱小



子承夙訓稟遺教眇然一身奉尊夫人不敢殞滅後忝  
登朝或領郡蒙恩澤先府君累贈至吏部尚書先太君  
盧氏由彭城縣太君贈至范陽郡太夫人初禹錫既冠  
舉進士一幸而中試間歲又以文登吏部取士科授太  
子校書官司閑曠得以請告奉溫清是時年少名浮於  
實士林榮之及丁先尚書憂迫禮不死因成痼疾既免  
喪相國揚州節度使杜公頌徐泗素相知遂請為掌書  
記捧檄入告太夫人曰吾不樂江淮間汝宜謀之於始

因白丞相以請曰諾居數月而罷徐泗而河洛猶艱難  
遂改為揚州掌書記涉二年而道無虞前約乃行調補  
京兆渭南主簿明年冬擢為監察御史貞元二十一年  
春德宗新棄天下東宮即位時有寒雋王叔文以善奕  
碁得通籍博望因間隙得言及時事上大奇之如是者  
積久衆未知之至是起蘇州掾超拜起居舍人充翰林  
學士遂陰薦丞相杜公為度支鹽鐵等使翊日叔文以  
本官及內職兼充副使未幾特遷戶部侍郎賜紫貴振

一時愚前已為杜丞相奏署宗陵使判官居月餘日至是改屯田員外郎判度支鹽鐵等按初叔文北海人自言猛之後有遠祖風唯東平呂溫隴西李景儉河東柳宗元以為言然三子者皆與予厚善日夕過言其能叔文實工言治道能以口辨移人既得用自春至秋其所施為人不一以為當是時上素被疾至此尤劇詔下內禪自為太上皇後謚曰順宗東宮即皇帝位是時太上久寢疾宰臣及用事者都不得召對宮掖事祕而建桓立

順功歸貴臣於是叔文首貶渝州後命終死宰相貶崖

州予出為連州途至荆南又貶朗州司馬居九年詔徵

復授連州自連歷夔和二郡又除主客郎中分司東都

明年追入充集賢殿學士轉蘇州刺史賜金紫移汝州

兼御史中丞又遷同州充本州防禦長春宮使後被足

疾改太子賓客分司東都又改祕書監分司一年加檢

校禮部尚書兼太子賓客行年七十有一身病之日自

為銘曰不夭不賤天之祺兮重屯累厄數之奇兮天與

所長不使施兮人或加訕心無疵兮寢於北牖盡所期  
兮葬近大墓如生時兮魂無不之庸詎知兮

唐故監察御史贈尚書右僕射王公神道碑

公諱倭字真長其先葉黃帝夫聖人之後與庶姓不同  
如河出崑崙潛於厚地欵焉振起奮為闕自天

非衆川也故自黃帝八代而生舜武王克殷求有媯之  
胤滿封於陳是為胡公十三葉生完自以公子國難不  
得立乃挹樂器奔齊桓公以卿禮接之下又十一葉和

以久為政陰浹于人遂有齊國三代稱主至建為秦所滅項羽入秦封建孫安為濟北王漢興失國齊人謂之王家因以為氏安子涓仕漢為鎮東將軍青州牧封劇縣伯自涓至彤凡一十九代兩漢公卿牧守如家謀然十代祖猛字景略符秦尚書令仇秦成霸業與孔明佐蜀同功故時人謂之王葛史云北海劇人遂著為族望九代祖休儀曹尚書八代祖鎮惡佐命宋長安擒姚宏至北齊五代祖晰七兵尚書兄弟九人時號王氏九龍

於齊史有傳高祖顛字君粹北齊著作郎燕郡太守曾  
祖敬忠成州刺史大父上客高宗封獄進士及第歷侍  
御史主客兵部員外郎累遷兵部右金吾衛將軍冀州刺  
史靈州都督朔方道總管見職官儀及衣闕烈考瞰宣  
州宣城縣令贈工部郎中娶河東裴氏乃生僕射李睦  
餘力工為文始以宗文生應深謀祕策考入上第拜監  
察御史天之賦子莫能兩大既揚令名而不以景福享  
齡五十五葬于河南府偃師縣亳邑鄉後以子貴累贈

禮部尚書至右僕射夫人江夏李氏祔焉李門多竒才  
父暄起居舍人暄子廊門下侍郎平章事高叔祖善蘭  
臺郎崇文館學士注文選行於時善子邕北海郡太守  
有重名四方之士求為碑誌者傾天下故夫人於盛宗  
禮範可法累贈至江夏郡夫人僕射有三子長子早終  
次子處立少嬰沈恙慕道士養生之術高尚其趣強仕  
而沒積善不試後來果大焉季子彥威字子美始以五  
經登甲科歷太常博士祠部員外郎遷屯田郎中轉戶



部司封並充禮儀使判官宏文館學士京兆少尹諫議  
大夫史館脩撰以直諫出為河南少尹入為少府監司  
農卿改淄青節度使徵拜戶部侍郎判度支勢逼生患  
出為衛尉卿分司東都尋起為陳許節度使檢校禮部  
尚書充汴宋亳等州節度觀察處置等使北海縣開國  
子食邑五百戶娶潁川韓氏主客員外郎衢之女國子  
祭酒楊頊之外孫夫人有三弟皆材無子早謝已如禮  
祔葬于亳邑原僕射厚德覆露之尚書丕承之以蚤孤

銳意嚮學嘗閱詩至蓼莪篇感激流涕故其志如刃始  
淬及學成立成為鴻儒入用為能臣參定儀制財成經  
費起書生擁旌節今又領全師鎮上游握神符垂三組  
皆嚮時感發之所激也志就而學成名聞而身達欲報  
無所外榮中悲人子之孝在乎揚其先德以耀于遠乃  
俾學古者書本系所自且銘于龜趺螭首云銘曰

山積而高澤積而長聖人之後必大而昌由聖與賢或  
為霸強建不克嗣濟北疏疆齊人德之其族稱王佐于

符秦北海重光僕射之生負材而起策于萬乘擢為御  
史同時條對千目仰視桂林一枝拾芥相似名動海內  
夫豈不偉種德而牙乃生令子出入鼎貴理財統師流  
根之澤密印纍纍峻其追崇幽顯有輝孝嗣之志歎然  
弗怡春露秋霜感傷履之時久能慕祿豐盆悲明發不  
寢永懷孝思攄之無窮曷若豐碑景毫之原佳城在斯  
乃金石刻揭于道陞松耶柏耶有洛之湄過者必下來  
觀信辭

劉賓客外集卷九

欽定四庫全書薈要卷一萬三千八百六十四

集部

劉賓客外集卷十

唐 劉禹錫 撰

墓誌 墓表 祭文

故荆南節度推官董府君墓誌銘

絕編生墓表

祭柳員外文

重祭柳員外文

為鄂州李大夫祭柳員外文

祭韓吏部文

祭興元李司空文

代裴相祭李司空文

代諸郎中祭王相國文

祭福建桂尚書文

祭虢州楊庶子文

故荆南節度推官董府君墓誌銘

元和七年夏四月某日前荆州部從事董府君以疾終于

故府私第年若干其孤泣書前人之爵里耿光求我以銘  
于幽且先志也故重為之董姓出于豢龍氏至辛有而分  
在晉為良史在趙佐簡子為能臣項羽主盟為翟王高皇  
帝舉兵漢中劫其兵衆不克其土後裔遂為隴西人凡稱  
事不稱名不待事而彰也始予謫於武陵人多中之賢有  
董生為守令客既而以士相見之禮成與之言能言墳典  
數旁摺百氏之學弱年嗜屬詩工奕碁用是索合於貴游  
多所慰闕中年奉浮圖說三乘用是貢誠於清賢多被辟

書脫巾為宏文館校書郎再遷至大理評事咸視真秩而不  
不累其章職繫於外是也晚節尚道故投劾於幕府治扁  
舟浮江泛洞庭登熊耳訪浮丘以探異賦枉渚以寄傲  
居數歲投老於南荆迷邦縱性委和從化逮夫寢巨室也  
自含襚至於卜窆皆仁人之賻焉是歲五月十二日卜葬  
于龍山之某岡外姻至矣君名健字庶中大父曰思簡位至  
汝南太守父承祖歿于試守太子舍人始為君求婦于鄭之  
里生嗣子夏卿既立而天今未之從其後又娶于閻氏生二子



曰周卿雲卿賤也總裳髻首有正家之道嗚呼道愈富而  
室愈貧志甚修而知甚寡士以隴西為貴將在令名與銘曰  
學待問而文藻身藝不試兮名孰聞大道甚夷兮比我  
辰何生不茂兮非我春修門之達兮連岡撫撫蔓草如  
闕

兮新墳若斧于嗟董生兮於焉終古

絕編生墓表

顧豕吳郡人食力於武陵沅水上以讀易聞病且死飭其  
子曰吾年十有五而授易於師積六十三年於茲未嘗一

日不吟乎繫象里中兒從吾讀其文多矣死則必葬我于  
黨庠之側尚其有知且聞吾書君子曰若豕者可謂志篤  
于學矣因以絕編生謚之且表其墓後之讀功令者或采  
焉予既謫居是邦始至之日問能道古語可與言者邑子  
以生為對既而執贄請見之生危冠大袂闊視雅拜及門  
知讓候肅而後入又肅而躋階心存聖言潤徹眉睫有野  
態而無苟容問其所執曰幼學易老而尤嗜問安學曰始  
聞於師晚熟于心自尼父兼三才絀八索繫辭焉以通微

言與伏羲文王並行猶天三辰同麗太極秦脫大患完文  
顯行漢之田丁京劉而東京有馬鄭魏之何荀兩王而吳  
有韋陸前者導源後闕洒闕風融混合百派犇湊唐興沙  
門一行方洩天機以探古人神友造物智斟人事制動也  
有柅變道也無方鼎之支流委輸于我其他紬繹祖述三  
十有餘家朱藍之樸斲之為羽翼為鼓吹疇咨天人之際  
旁魄上下鶩精於攬撫匱巧於穿鑿猶制氏之於樂鏗鏘  
而已徐氏之於禮善容而已然而前修之盡心也得以味

腴蹇芳馮手胝於運管目矇於臨燭而氣耗於咏呻家居  
無訾不能與計偕地偏且遠無有能晤語心愈苦而跡愈  
卑寒膚嗛腹以至於耄老微夫子之問持是安施乎他日  
予造其室廬瓢簞在左汙尊在右有龜枵然有筴甚澤余  
撼著指骨而訊之曰是疊疊者曾不予欺乎生攸爾而對  
云古先聖人知道之妙不可博而得也故設象以致意梯  
有以取無取當其粗用當其精夫權衡所以揣輕重不為  
捶鈎者設也尋尺所以商遠邇不為運斤者設也龜筴所

以決羣疑不為知機者設也機存乎人是則以天時為卦  
體以地理為爻位外附人事以象焉內取諸身以彖焉得  
樞於橐中迎穀於象外自然之理不知其然雖欲強名措  
說無地彼枯莖朽殼安能與於此乎今夫揲之以至刑灼  
之以殆盡徒與夫蚩蚩者問歟穰占熊虺起訟需食亡羊  
喪牛之間耳資其握粟以餬予口烏足為夫子道哉余以  
斯言遽於易故書之噫國有大學學有館以延顓門若生  
者若形役志如其顓也茹經于腹湮滅糞壤壁水湯湯

不聞其聲摧藏撲遫與山木同朽豈地遠然耶彼文甲粹  
毛剝筋壽革嶺嶠之華實炎溟之蜃蝦飛苞驛篚所至而  
貴夫豈貴邇也哉悅者衆故也生之死在元和七年秋七  
月由死之日推而上求直治生之辰得四百有七十甲子  
葬在征渚西右磯上其墳可隱東望里塾尚存其志云

祭柳員外文

維元和十五年歲次庚子正月戊戌朔日孤子劉禹錫銜  
哀扶力謹遣所使黃孟長具清酌庶羞之奠敬祭于亡友

柳君之靈嗚呼子厚我有一言君其聞否惟君平昔聰明  
絕人今雖化去夫豈無物意君所死乃形質耳魂氣何托  
聽余哀詞嗚呼痛哉嗟余不天甫遭閔凶未離所部三使  
來弔憂我哀痛諭以苦言情深禮至款密重複期以中路  
更申願言途次衡陽云有柳使謂復前約忽承訃書驚號  
大叫如得狂病良久問故百哀攻中涕洟迸落魂魄震越  
伸紙窮竟得君遺書絕絃之音悽愴徹骨初托遺嗣知其  
不孤末言歸轡從祔先域凡此數事職在吾徒永言素交

索居多遠鄂渚差近表臣分深想其聞訃必勇於義已命  
所使持書徑行友道尚終當必加厚退之承命改牧宜陽  
亦馳一函候於便道勒石垂後屬于伊人安平宣英會有  
還使悉已如禮形於具書嗚呼子厚此是何事朋友凋落  
從古所悲不圖此言乃為君發自君失意沈伏遠郡近遇  
國士方伸眉頭亦見遺草恭辭舊府志氣相感必踰常倫  
顧余負釁營奉方重猶冀前路望君銘旌古之達人朋友  
則服今有所厭其禮莫伸朝脯臨後出就別次南望桂水



哭我故人孰云宿草此慟何極嗚呼子厚卿真死矣終  
我此生無相見矣何人不達使君終否何人不老使君  
夭死皇天后土胡寧忍此知悲無益乃恨無已君之不  
聞余心不理含酸執筆輒復中止誓使周六同於已子  
魄兮來思知我深旨嗚呼哀哉尚饗

重祭柳員外文

嗚呼自君之沒行已八月每一念至忽忽猶疑今以喪  
來使我臨哭安知世上真有此事既不可贖翻哀獨生

嗚呼出人之才竟無施為炯炯之氣戢于一木形與人  
等今既如斯識與人殊今復何托生有高名沒為衆悲  
異服同志異音同歡唯我之哭非弔非傷來與君言不  
成言哭千哀萬恨寄以一聲唯識真者乃相知耳庶幾  
儻聞君儻聞乎嗚呼痛哉君有遺美其事多梗桂林舊  
府感激生持俾君內弟得以義勝平昔所念今則無違  
旅魂克歸崔生實主幼穉角上故人撫之敦詩退之各  
展其分安平來賙禮成而歸其他赴告咸復于素一以

誠告君儻聞乎嗚呼痛哉君為己矣余為苟生何以言  
別長號數聲冀乎異日展我哀誠嗚呼痛哉尚饗

為鄂州李大夫祭柳員外文

嗚呼至人以在生為傳舍以軒冕為儻來達於理者未  
嘗惑此昔余與君論之詳熟孔氏四科罕能相備惟公  
特立秀出幾於全器才之何豐運之何否大川未濟乃  
失巨艦長途始半而喪良驥措紳之倫孰不墮淚昔者  
與君交臂相傳一言一笑未始有極馳聲日下驚名天

衢射策差池高科齊驅攜手書殿分曹藍曲心志諧同

追歡相續或秋月銜觴或春日馳轂旬服載棊同升憲

府察視之列斯焉接武君遷外郎予侍內闈出處雖間

音塵不虧勢變時移遭罹多故中復賜環上京良遇曾

不踰月君又即路遠持郡符柳江之壩居陋行道疲人

歌焉予來夏口忽復三年離索則久音貺屢傳筐盈草

隸駕滿文篇鍾索繼美班揚差肩賈誼賦鵬屈原問天

自古有死奚論後先痛君未老美志莫宣遭回世路奄

忽下泉嗚呼哀哉令妻早謝稚子四歲天喪斯文而君  
永逝翩翩丹旒來自遐裔聞君旅櫬既及岳陽寢門一  
慟貫裂衷腸執紼禮乖出疆路阻故人奠觴莫克親舉  
馳神假夢冀獲寤語平生密懷願君遣吐遺孤之才與  
不才敢同己子之相許嗚呼哀哉尚饗

祭韓吏部文

高山無窮太華削成人文無窮夫子挺生典訓為徒百  
家抗行當時勅者皆出其下古人中求為敵蓋寡貞元

之中帝鼓薰琴奕奕金馬文章如林君自幽谷升于高

岑鸞鳳一鳴蜩蟬革音手持文柄高視寰海權衡低昂

瞻我所在三十餘年聲名塞天公鼎侯碑志隧表阡一

字之價輦金如山權豪來侮人虎我鼠然諾洞開人金

我灰親親尚舊丹其壽考天人之學可與論道二者不

至至者其誰豈天與人好惡背馳昔遇夫子聰明勇奮

常操利刃開我混沌子長在筆予長在論持矛舉植卒

不能困時惟子厚竄言其間贊詞愉愉

闕

顏顏磅礴

上下義農以還會於有極服之言

闕

岐山威鳳不復鳴華亭別鶴中夜  
驚畏簡書兮拘印綬思臨慟兮志莫就生芻一束酒一  
盃故人故人歆此來

### 祭興元李司空文

維太和四年月日禮部郎中集賢殿直學士劉禹錫謹  
以清酌之奠敬祭於故相國山南西道節度使贈司空  
李公之靈嗚呼龜靈而刻龍知而屠古今同之天不可

呼公之挺生德與位并如瞻日月豈贊其明何以致之  
姑話平生追懷周旋彌四十年射策校文接武聯翩旬  
服同邑明庭比肩公乘迅颯凌厲非烟愚觸駭機迸落  
深泉一持化權一謫海壖本同末異如矢別弦雲龍井  
蛙勢不相見二紀迴泊一朝會面公為故相愚似悲翁  
契闊相遇淒涼萬重復以郎吏交歡上公披襟道舊劇  
談小酒清洛泛舟鑿龍攜手公入西關愚亦徵還削去  
苛禮招邀清閑廣陌聯鑣高臺看山尋春適野醉舞花



間忽復登壇總戎于外子午危棧巴梁古岸夷風愴惇

穰俗忤害陰謀密備亮黨千輩如噬羣犬以逼騶虞如

縱炎火以焚瑾瑜時耶命耶不慮不圖物理神道安知

有無嗚呼痛哉玄天甚高上訴何時長夜無曉斯焉永

歸風淒日昏鼓咽簫悲沈埋玉樹誰不需衣平生故人

零落已稀委花而盡然猶怨咨如何國楨有此遭罹挺

災賦命孰主張之有肴在筵有酒盈卮神其來歆已矣

長辭尚饗

代裴相祭李司空文

四年月日特進守司空兼門下侍郎平章事裴度謹以  
清酌少牢之奠敬祭于故相國魏郡公之靈嗚呼玉貞  
而折不能瓦合鸞鍛而萎不同雞羣生兮若浮守道不  
屈惟公之生福自維嵩金石高韻珪璋德容元和之初  
左右憲宗以才視草以望登庸振起直聲激揚清風實  
有正氣號為名公名成身退猶係人望入為羽儀出頌  
藩方既師百辟又副丞相道冠搢紳事參翼亮某與公

遊四十餘年風期合契祿位相先某忝司言公持化權  
應同宮徵馥若蘭荃猥以姓名稱於上前發迹從微芳  
徽獲宣某為免相待罪梁山公拜右揆來從東川極其  
歡娛著在詩篇某忝三入公東亦還里門相邇賓閣常  
閑退朝休澣道舊開顏嗟乎山川間之忽在旦夕豈意  
倉卒遂成今昔衣冠喪氣風物含戚強魂訴天冤血成  
碧嗚呼哀哉某在病中訃書始至無力以哭不言垂淚  
今聞袂轡首路而歸隱几臨風其心孔悲嘉肴百籩旨

酒一卮寄此情素神其來思嗚呼哀哉

代諸郎中祭王相國文

維太和四年月日某官等敬祭于故相國贈太尉太原  
王公之靈嗚呼天以和氣鍾於貴人含光不曜煦物如  
春發自貢士驟為廷臣鴻鴈聯行其凌青雲既操利權  
兼秉國鈞食祿甚厚奉身如貧井絡之隅益部為大斗  
牛之下揚州繁會受社臨戎油幢曲蓋印綬重疊恩華  
滂霈簿領如山處之若閑推筦之權往而復還炎炎暉

睥出入二紀未曾傷神屢有薦士急難友弟謹厚訓子  
顏間熙熙不形愠喜處已無咎得君如此若木方高商  
颯歛起三台之氣變現在時五福之來盛衰有期曉下  
黃閭車騎威遲夕歸華堂言笑嘻怡詰朝愀然有志求  
醫未撤琴瑟俄懸素旂宸衷震悼朝右悽悲詔下褒崇  
恩殊等夷靈輶既駕真宅將歸笳簫咽而復揚風日慘  
而無輝玄亮等或早挹清塵或晚承泛愛昔脩禮于門  
閭今纏悲于祖載幽顯雖異音徽未昧神之格思歆此

誠酌尚饗

祭福建桂尚書文

維太和六年月日蘇州刺史劉禹錫謹以清酌之奠敬  
祭于故福建團練使桂公之靈鷗化鵬征擘波沖天士  
逢其時捨笈乘軒始識尚書貞元季年詣我南省袖文  
一編便坐接語其容溫然星歲未幾鄙夫南遷滯留江  
湘魚鳥周旋尚書遇知變化如蟬秉憲朝右剖符江壩  
交趾化行容州績宣凡曰循吏莫居我先太和之初再

遂良覲分務東洛門里同陌余復郎位公為賓客蔚然  
貴臣綬紫鬚白俄俱西還列于清班來訪書殿登樓看  
山見領八屯循街九闕賀遷閩越紅旆雙殷克有淑聲  
搢紳之間惇嫠鼓舞强悍低跽延平古津峭壁孱顏豈  
意龍劍沈晶不還復魄侯堂歸舟建浦雙表何在虎丘  
之下恭承嘉命來牧吾土言念昔遊忽成千古哀哀孝  
嗣率禮無違言奉几席歸乎洛師敬陳奠筵泣對靈帷  
平生不忘歆此一卮嗚呼哀哉

祭虢州楊庶子文

維太和六年月日蘇州刺史劉禹錫謹遣軍吏某乙具  
少牢清酌之奠敬祭于故虢州楊公之靈嗚呼利劍多  
缺真玉喜折俊人不壽為氣所齧子之少孤率性自然  
早有名字結交世賢席勢馳聲龍秋鳥公試文再售毛  
翮愈鮮歷佐侯藩拾遺君前伏閣論事侵闕內權克揚  
直聲不愠左遷一斥于外君門邈然五剖竹符皆有聲  
績南湘潛化巴人啞啞比陽布和戰地盡闕壽春武斷



姦吏奪魄滌波砥平士庶同適朝典陟明俾臨本州錫  
以貴綬腰金晝遊輿疾而來風烟為愁靜治三載卧分  
主憂直氣潛銷頽几不留九天難問萬化同休嗚呼惜  
哉與君交歡已過三紀維私之愛與衆無比乃命長嗣  
為君半子誰無外姻君實知己昔與君遊俱為壯年怒  
人言命笑人言天閱事未多信書太堅方階尺木已墜  
九泉誦年易深潛病難痊不見南楚方知北軒嗚呼嗟  
哉見幾不早追悔已晚猶希苟老容或宣展以開相期

以晦相勉一丘可樂萬累皆遣翫圖散秩婆娑京輦天

命不長願言莫展嗚呼痛哉君卧弘農余來姑蘇飛書

見約言念鼎湖我車載脂為子疾驅入境聞寂唯逢素

書發函驚視翰不自濡相去一舍豈無肩輿君為病嬰

我為吏拘兩不如意嗟哉命夫君今往矣無復可道我

今泛然一委玄造平生親友零落太早無望拔茅盡悲

宿草到郡浹辰君不起聞寢門一慟闕哀如焚彭彭轄

車來葬浴濱敬脩賻禮泣送行人萬夫之羞薦君明魂


三赤之板寫予哀文淒涼山河慘淡風雲已矣長別嗟  
我楊君

劉賓客外集卷十

謹案卷九第十二頁後八行天之祺兮原本祺訛

棊今改





總校官庶吉士臣侍朝

校對官庶吉士臣陳宗本

謄錄監生臣王以謹